

## 9-§. Asosiy vositalarni inventarizasiyadan o'tkazish

54. Asosiy vositalarning haqiqatda mavjudligini aniqlash va ularning but saqlanishini nazorat qilish maqsadida korxonalar tomonidan vaqti-vaqti bilan, biroq ikki yilda kamida bir marta asosiy vositalar inventarizasiyasi o'tkaziladi, kutubxona fondlari esa besh yilda bir marta inventarizasiya qilinadi.

55. Asosiy vositalar inventarizasiyasi O'zbekiston Respublikasi Moliya vazirligi tomonidan 1999 yil 19 oktyabrda EG/17-19-2075-son bilan tasdiqlangan O'zbekiston Respublikasi Buxgalteriya hisobining [milliy standarti](#) (19-sonli BHMS) «Inventarizasiyani tashkil qilish va o'tkazish»da (ro'yxat raqami 833, 1999 yil 2 noyabr) belgilangan tartibda amalga oshiriladi.

56. Inventarizasiya jarayonida aniqlangan ortiqcha asosiy vositalar boshqa operasion daromadlar sifatida aks ettiriladi. Inventarizasiya vaqtida kamomad fakti aniqlangan yetishmayotgan asosiy vositalar aybdor shaxslar aniqlangan kunga qadar kamomadlar hisobga olinadigan schyotda aks ettiriladi.

57. Asosiy vositalarning balans qiymati ularning haqiqiy (joriy) qiymatiga mos kelmasligi aniqlangan holatda oshirish yoki kamaytirish mazkur standartning [27-bandiga](#) muvofiq amalga oshiriladi.